



Jān Reyna I. Aburto

Rikakpilōklōk eo
Kein Karuo ilo Doulul
eo Eutiej an Kōrā ro

Inaaj Bar Lo E



Iaar rūttołok ilo Nicaragua. Ke iaar dik, iaar kōm-
mane aolep men ippān ɭaddik eo jeiu. Kōm kar
etetal lałłok nān jikuul. Kōm kar etal nān mon wia
ippān doon. Eaar wōr aolep ɭam in mačkūtūt ko
ilo meɭaaj eo am. Kōm kar mōṅōṅō.

Innām, ke eaar ruatimjuon aō iiō, juon men
ekanooj in ekabūromōjṃōj eaar wałok. ɭaddik eo jeiu
eaar mej ilo juon mačkūtūt in lał. Ilo jino in ekar jab
mool in ke eaar jako. Ikijoṅ ɭōmṅak bwe enaaj kar kōɭa-
ɭał ilo kōjām eo am. Emaroṅ kar jiroṅ kōm ekar pād ilo
juon jikin ettołok. Ikijoṅ kalimjōk kōjām eo, kōṅaan bwe
en kar wałok. Iaar lukkuun kōṅaan bar lo e.

Emootłok iien, eaar pidodołok. Ij būromōj wōt kōn
ɭaddik eo jeiu, bōtaab iaar maroṅ bar eṅjake mōṅōṅō.

Iien ko, iaar jab juon uwaan Kabuṅ eo an Jisōs Kraist
im Armej ro Rekwojarjar ilo Raan-ko Āliktata. Ak ke
iaar rūttołok, iaar ekkatak kōn Kabuṅ in im kar pep-
taj. Juon raan iaar kwałkoł kōnnō. Ekar iien Ijtō. Iaar
kōɭmełokjen kōn Jerkakpeje eo im kar ɭōmṅak kōn
ɭaddik eo jeiu.

Eṃōkaj an juon eṅjake kar itok iooō. Iaar keememej-
łok ettōṅak eo aō kōn ɭaddik eo jeiu. Iaar kile ke eaar jap
kōjak nān jidik! Eaar itok jān Jetōb Kwojarjar, nān kae-
nōmṃan eō im tōl eō. Juon raan ɭaddik eo jeiu enaaj luk-
kuun jerkakpeje. Innām inaaj lukkuun bar lo e juon alen.

Eɭaṅṅe juon eo ejitōn bōro ippamṃ eṃōj an mej, Eṃ-
ṃan bwe jen ooṅ kake er im eṅjake būromōj. Kōnono
ippān baamle eo aṃ ak juon eo erūtto ṅekopojak. Jar
nān Jemedwōj Ilaṅ kōn wāween aṃ eṅjake. E enaaj
jipaṅ eok bar eṅjake aenomṃan.

Jekdoṅn ta, keememej bwe Jisōs Kraist ej iakwe eok.
Ilo Ijtō jej keememej katok eo An nān kōj. Kōnke kōn E,
jenaaj aolep jerkakpeje im jenaaj jokwe ippān baamle ko
ad nan indeeo. ●

Kaat in Kaenōmṃan ko

Mwijitiłok kaat kein. Komaroṅ lim jimettan ak kojerbali nān kein kōkałle bok ko.
Likūt er ilo ilo jeje ko rekwojarjar ko aṃ ak bar juon jikin nān kalimjoki ṅe kwoj būromōj, ajimakeke, ak lelōṅ.



“I jāmin likūt komṃ
atajinemjen: I naaj
iwōj nān komṃ.”

Jon 14:18



“Im Anij enaaj
kōmōrāik dānnin
kōmjaalał otemjej
jān mejeir.”

Revelasōn 21:4



“Komṃin mōṅōṅō, im
jab mijak, bwe Na
Irooj Ij pād ippemi, im
naaj jutak ippemi.”

Katak im Bujen ko 68:6

